



D. O. M.
T H E S E S A N A T O M I C Æ
E T
C H I R U R G I C Æ.



ARIIS corporis humani noxiis à Chirurgo
 medelam æfferri non posse, nisi Physiologiæ, Hy-
 giænes, Pathologiæ, Therapeutices Anatomix que
 præsertim principia apprime calluerit; apud omnes
 in confesso manet. Bubonis venerei in glandulis
 præcipua sedes; itaque de illo acturi, glandula-
 rum structuram, differentias & usus per quàm

breviter in antecessum exponemus.

E X A N A T O M I A.

I.

IN gyrum movetur sanguinis massa quæ primo intuitu ex ru-
 ris & lymphaticis globulis omnino quasi conflata videtur; verum

3

hanc humoribus diversimodè configuratis, variâ indole præditis, usibusque diversis inservientibus turgere patet.

I I.

Ex his, alii, ut saliva, humor pericardii, peritonæi &c. à sanguine secernuntur vasis secreto-excretoriis, ut vocant; & extrâ corpus tanquam inutiles ejiciuntur, aut cum sanguine deviâ circulatione denuò miscuntur; lymphæ verò vasis lymphaticis ab ipso immediatè segregatur, peculiarem circuitum subitura. His operationibus peragendis præcipuè inserviunt glandulæ, quas in secernentes, lymphaticas & nothas vel spurias dividimus. An secernantur an lympham perficiant hæ ultimæ? ob rei difficultatem hæc tunc liquidò determinare non potuerunt Anatomi; idcirco tale nomen aliundè à nonnullis indicatum illis imponere juvat. e. g. Thyroidea.

I I I.

CORPUSCULUM quodvis ex vasis omnimodè intertextis conflatum, extus peculiari membranâ cinctum, intus cavum & canali excretorio donatum glandulæ secernentis nomine insignitur; pars vero substantiâ fibrosâ, parenchymatosâ, vesiculosa nec non lymphaticorum furculis prædita, nervis, sanguiferisque vasis irrigata, duplici involucri inclusâ, magnitudine & figurâ varia, glandula lymphatica audit: secernentes; salivales, pancreaticæ, &c. Lymphaticas è contra; mesaraicæ, jugulares, inguinales &c. glandulæ probant.

I V.

QUÆDAM ex his omnibus sunt conglobatæ ex unico corpusculo constantes; sive secernant, ut intestinales Peyerii & Peklini; &c. Hæ in crassioribus solitariæ, illæ verò in tenuioribus intestinis racematim congestæ villosam tunicam inter & cellulosam Albini utraq; sitæ; sive lympham perficiant, quales sunt axillares &c. Quædam conglomeratæ, quæ ex pluribus secernentibus simplicibus adunatis, unicâ communi tunicâ cellulosâ simul involutis; componuntur. e. g. pancreas &c. Compositæ & simplices à Boerhaavio nuncupantur.

V.

A situ, figurâ, magnitudine; colore, consistentiâ, usu & munere prædictas partes innumeras accepisse denominationes,

3

tam omnibus notum, ut hic verbis indicare prolixius necessum non existimemus.

V I.

SECRETENTIUM glandularum usus est liquidum secretum vel extrà cutim propellere ut subcutaneæ aut sebaceæ fortasseque sudoriferæ, Miliæres dictæ; vel in cavum quoddam stillatim infundere ut foràs eliminetur, internè-ve absorbetur, aut partim intus partim extus, & sanguini mediatè vel immediatè rursus insinuetur, ut in pituitariis nasi, plexûs choroidei, salivalibus, gastricis, innumerisque aliis conspicuum.

V I I.

CIRCA secretiones variæ proposiæ fuerunt sententiæ mechanicis legibus non æquè consonæ; cum verò natura ubique suis in operibus simplex sit constans & uniformis, hinc illis assentimur qui vasorum osculis, liquido per illa transituro paulò majoribus eas perfici contendunt. Ubi excretio momentanea & deest receptaculum commune ad recipiendum & quodam temporis spatio fovendum & asservandum liquorem à vicinis partibus segregatum, ibi glandulam adeste censemus. Ex hoc fundamento ab aliis secretionum organis folliculo duntaxat & canali excretorio ex illo prodeunti glandulas differre, ad secretionem nihil præstare sed receptorii tantum officio fungi, & cerebrum, renes &c. è numero illarum eximendos esse cuivis attendenti facillè obvium.

V I I I.

MANIFESTUS licet haud sit glandularum lymphaticarum usus, attamen illas lymphæ elaborationi inservire omnibus fere cum Anatomicis autumamus. Hæ glandulæ vasis æquidem sanguineis & nervis irrorantur; verum quamnam sequuntur viam? In interiori liquidum lymphæ mutationi aut ipsius perfectioni idoneum evomunt-ne? Illæ opiniones etsi veritati proximæ uberiori Anatomicorum disquisitioni committendæ.

E X C H I R U R G I A.

Sperne voluptates , nocet emptâ dolore voluptas.

I.

TOT & omnium sævissima ex impuro concubitu nascuntur mala , quot ex legitimo amplexu amœnitates & deliciae exurgunt. Malorum catervam parit omnesque corporis partes immaniter depascit tabes venerea , sanguinem aut potiùs lympham inficit id morbigenus ; Prothei ad instar innumeras agit tragedias , & gonorrhœam , canculos , artuum dolores , exostoses , bubones &c. producit ; hos ultimos tantùm pertractare animus est.

I I.

TUMOR durus , renitens , plus minus-ve dolens , ad suppurati-
onem ut plurimùm difficilè vergens , inguinales , jugulares , parotides ,
&c. glandulas occupans ; à coitu impuro , lactatione &c. mediâtè
vel immediâtè exortus , Bubo nuncupatur.

I I I.

AB essentiâ , tempore , situ , accidentibus varias mutuatur
differentias ; unde essentialis aut primitivus , criticus aut sympto-
maticus meritò dicitur ; pudendagræ quandoque comes ; luem
veneream quandoque indicat.

I V.

ESSENTIALIS ex impuro congressu immediâtè vel paulò
post prodit ; symptomaticus è contrâ , suppressæ parciùs-ve fluenti
gonorrhœæ succedit ; canculos veretri in viris aut pudendi in fæminis
comitatur , vel nullâ proximè prægressâ causâ manifestâ super-
venit.

V.

PHLEGMONEM , schirrum , cedema æmulantur bubones. Ovi co-
lumbini , gallinacei , pugni quandoque molem adæquant. Alter-
utrum vel utrumque inguen infestant. Nunc unicam , nunc plures
infarciunt glandulas.

V I.

LYMPHA lue infecta & in glandulis inguinum convecta, inibi sistitur, coagulatur, unde ingurgitatio, tumor, incipiente malo exiguus; novo lymphæ jugiter fluentis aggestu iterum distenduntur glandulæ & crescit tumor; inflatione dolet, calet, pulsatur, & phlegmonosus, aut indurefcit & schirrosus, vel tandem mollior fit saltem superficie tenus & œdematosus subnascitur bubo.

V I I.

PHLEGMONODES facillè resolvitur, si non in suppuratum vertit; Schirrôdes verò difficillimè & ad duritiem propensius accedit; facile quidem, quoad superficiem, resolvitur œdematodes bubo, liquidiori autem sero exhalato spissior fit lymphæ cellulis impacta & resolutioni aut suppurationi concipiendæ parum idonea.

V I I I.

SÆPE sæpius incessus difficilis & ad statum pervenit bubo immutato cutis colore; glandulas prætereunte seminio venereo, sanguinem pervadit, totam illius massam lue inquinat, & similia in glandulis, diversa verò aliis in partibus procreat mala.

I X.

BUBONES venerei, à benignis, pestilentialibus, strumosis; scorbuticis herniisque signis peculiaribus necnon symptomatibus facile distinguendi.

X.

VEL æqualem præbent superficiem & unica, vel inæqualem & plures seminio contaminantur glandulæ. Hi compositi, illi simplices vulgè denominantur. Si calor, dolor, pulsus in tumore sint insignes, phlegmonodem; si moderatiores, & prementis digiti vestigium facillè admittat & tardè dimittat, œdematodem; si tandem horum serinè expers durior remaneat & validè renitatur; schirrodem bubonem adesse certè pronuntiabit. Denique ægrum percontanti præcedentibusque attendenti judicari facile an essentielles, an gonorrhææ cancrorum-ve comites, an syphilidis latentis indicia sint bubones venerei.

X I.

ESSENTIALES, modo necessariæ adhibeantur cautelæ curatæ faciles, difficiliores symptomatici. Phlegmonosi, facilius cedematosis & schirrosis resolvuntur aut suppurant; hi enim in veri schirri plerumque & in carcinomatis aliquandò degenerant naturam; delitescentes periculosiores habeantur.

X I I.

PRO diversâ bubonis naturâ varia medendi ratio; ad unum tamen idemque caput præcipuè revocanda. Pro luis veneræ indicio bubonem agnoscunt Sapientiores Artis Magistri; hinc ipsum non solis topicis curationeque locali, sed hydrargirosi tutius impugnandum; hinc ipsius resolutionem aut suppurationem ex topicis infidas concludimus.

X I I I.

BUBO essentialis, ex recenti lue oriundus leviori hydrargirosi profigatur. Criticus verò, syphilidis vetustioris vulgò soboles, ampliori feliciter debellatur; variis pro re natâ in utroque non neglectis remediis topicis, vel internis ritè inter se confociatis.

X I V.

ANTE omnia præmittenda generaliora remedia; venæ sectiones largâ copîâ si phlegmonodes, parciore si cedematodes aut schirroides fuerit bubo; Cathartica leniora in priori, fortiora in aliis adhibenda; Balnea, diætâ tenuis, potus diluens, aliaque imperanda.

X V.

BUBONI plurima competit curatio localis, à variis topicis, scalpello causticis petenda. Cucurbitulæ à nonnullis laudatæ tantquam inutiles rejiciantur.

X V I.

RESOLUTIONE, suppuratione, vel induratione frequentior rem exitum obrinet bubo. In priori casu, anodina, emollientia, & resolventia præsertim mercurialia tumori superimponantur. Si suppuretur auctis accidentibus, anodina, maturantia, peptica admoveantur. Induratus denique ne malo novam ansam præbeat, si possibile, excidatur.

X V I I.

RESOLUTIONE, quantum possibili, cautè tamen tentandâ curandus Bubo. Suppurat verò quandoque, & varia in hoc casu,